

ՀԱՅԱՍՏԱՆԻ ԳՅՈՒՂԱՑԻՈՒԹՅԱՆ ՊԱՅՔԱՐԸ ՀՈՂԻ ՀԱՄԱՐ
1917—1920 ԹԹ.

ՎԼԱԴԻՄԻՐ ՂԱԶԱՆԵՑՅԱՆ

Հոկտեմբերյան սոցիալիստական մեծ հեղափոխության նախընթացին Հայաստանում՝ Ռուսաստանի այդ հետամնաց ժայռամասում, ևս ուժեղացավ գյուղացիության պայքարը հողի համար ինչպես ընդդեմ կալվածատերերի, այնպես էլ՝ գյուղական կուլակ-ունեւորների: Հայկական գյուղում ծավալված պայքարն ուներ իր առանձնահատկությունները՝ ի տարբերություն Ռուսաստանի կենտրոնական շրջանների: Դրանք պայմանավորված էին հայկական գյուղի առավել հետամնացությամբ: Այստեղ բացակայում էր ուժեղ կալվածատիրական հողատիրությունը և դասակարգային խոր շերտավորումը: Այնուամենայնիվ Հայաստանում ևս առկա էր հողային հարցը և պայքարը դրա լուծման համար: Այդ պայքարը շարունակվեց նաև Մեծ հոկտեմբերի հաղթանակից հետո:

Ցարիզմի տապալումը չվերացրեց հողային հարցը. Ժամանակավոր կառավարությունը պաշտպանելով կալվածատերերի ու կապիտալիստների շահերը, չէր ցանկանում լուծել հարցը: Նա 1917 թ. ապրիլի 21-ին որոշում ընդունեց հողային կոմիտեների մասին, որոնք զբաղվելու էին հողային հարցի լուծման նախապատրաստումով՝ հարցի որոշումը վերապահելով Սահմանադիր ժողովին: Կառավարությունը նախազգուշացնում և սպառնում էր գյուղացիությանը ինքնագլուխ քայլերի չդիմել, որը «ընդհանուր քայքայում» և «մեծ դժբախտություն» կարող էր բերել երկրին¹: Դրանից պոպո ժինիստր-նախագահ Լվովը շրջաբերական հեռագրով նահանգային իշխանություններից պահանջել էր միջոցների դիմել գյուղացիների պայքարը կանխելու համար²: Էսէռների և մենշևիկների մանրբուրժուական համաձայնողական կուսակցությունները հողային հարցում ևս պաշտպանում էին կառավարության քաղաքականությունը:

Աշխատավոր գյուղացիության շահերին համապատասխանող միակ ճիշտ տեսակետը առաջադրեց բոլշևիկների կուսակցությունը: Նրա առաջնորդ Վ. Ի. Լենինը հանդես եկավ կալվածատիրական հողերը անհապաղ բռնագրավելու, բոլոր հողերն ազգայնացնելու, դրանք չքավոր գյուղացիների ու բաւորակների սովետների տնօրինությանը հանձնելու ծրագրով³:

Անդրկովկասի բոլշևիկյան կազմակերպությունները և մամուլը պրոպագանդում էին կուսակցության ծրագիրը, պայքարում աշխատավոր գյուղացիությանը բուրժուական և մանրբուրժուական ազդեցությունից դուրս բերելու, իրենց նուրբ տանելու համար: Ագրարային հարցի մասին բանաձևում ՌՍԴԲ(բ)Կ Կովկասյան երկրային համագումարը (1917 թ. հոկտեմբեր), ելնելով կուսակցության ապրիլյան կոնֆերանսի որոշումներից, Վ. Ի. Լենինի գրույթներից և մերկացնելով Ժամանակավոր կառավարության քաղաքականությունը, նշում էր, որ հողային հարցը կարող է լուծվել միայն իշխանությունը բանվորների, զինվորների և գյուղացիների սովետներին անցնելով⁴:

¹ Տե՛ս «Революционные движения в России в апреле 1917 г. Апрельский кризис. Документы и материалы», М., 1958, с. 317.

² Տե՛ս նույն տեղում, էջ 310:

³ Տե՛ս Վ. Ի. Լենին, ԵԺ, հ. 31, էջ 139:

⁴ Տե՛ս «Հոկտեմբերյան սոցիալիստական մեծ ռեւոլյուցիան և սովետական իշխանության հաղթանակը Հայաստանում: Փաստաթղթերի և նյութերի ժողովածու», Երևան, 1960, էջ 84—85:

Հայաստանում ևս իշխանության նորաստեղծ տեղական օրգաններում նստած էին բուրժուազիայի և կալվածատերերի շահերի պաշտպանները: Գյուղացիական դեմոկրատական կազմակերպություններում մեծամասնություն էին կազմում համաձայնողական էսէռներն ու մենշևիկները և դաշնակցականների բուրժուազգայնական կուսակցության ներկայացուցիչները, կուսակցություն, որը ագրարային հարցում պաշտպանում էր էսէռական սոցիալիզացիայի ծրագիրը: Հենց այդպիսի բովանդակությամբ որոշումներ ընդունեցին 1917 թ. կեսերին գյուղացիական գավառային ու Երևանի նահանգային համագումարները⁵ (վերջինում ոչ բոլշևիկյան տեսակետների քննադատությամբ ելույթ ունեցավ Պողոս Մակինցյանը), Ալեքսանդրապոլի կայազորի գյուղացիական դեպուտատների սովետի ընդհանուր ժողովը⁶: Գյուղացիական դեպուտատների Անդրկովկասյան համագումարում ևս դաշնակցականները հանդես եկան սոցիալիզացիայի տեսակետով, չնայած համագումարն ընդունեց մոնիցիալիզացիայի ծրագիրը, որը պաշտպանում էին մենշևիկները և մուսավաթականները⁷: Ըստ էության նրանք բոլորը միասնական էին բոլշևիկների կուսակցության դեմ պայքարում և նպաստում էին բուրժուական կառավարության քաղաքականության կենսագործմանը:

Անդրկովկասյան հատուկ կոմիտեն (Անդրհատկոմ) դիմեց նահանգային, գավառային և մարզային իշխանության մարմիններին՝ խստությամբ հետևել հողային կարգի պահպանությանը, թույլ չտալ, որ հողատերերը զրկվեն իրենց ազատությունից և իրավունքներից, որ հարկավոր է օրենքի ամբողջ ուժով դադարեցնել բռնություններն ու կողոպուտը⁸: Անդրհատկոմի այսպիսի զգուշացումը և հենց իրական փաստերը վկայում են, որ երկրամասում ծավալվել էր հողատերերին իրենց իրավունքներից զրկելու համար պայքարը: Դա ընդգրկել էր նաև Երևանի նահանգը: Ցարիզմի տապալումից հետո գյուղում զարգացող պայքարի բնույթը հասկանալու համար նշենք, թե ագրարային հարաբերությունների ինչպիսի պատկեր գոյություն ուներ տվյալ ժամանակաշրջանում Երևանի նահանգում: Հողի մեծագույն մասը պատկանում էր պետությանը: Համապատասխանաբար գյուղացիության մեծ մասը, որ կոչվում էին պետական գյուղացիներ, բնակվում էր պետական հողերի վրա: Փետրվարյան հեղափոխության հաղթանակից հետո պետականացվեցին ուղեւային (ցարական ընտանիքի անդամներին պատկանող) հողերը: Պետական ազատ ֆոնդի հողերը գյուղացիությունն օգտագործում էր վարձակալության միջոցով: Համեմատաբար փոքր տեսակարար կշիռ ունեին նախկին մուլքադարական և թիււլային գյուղերը՝ հողային հարաբերությունների մի կատեգորիա, որը վերացվել էր 1912 թ. դեկտեմբերի 20-ի օրենքով: Տվյալ խմբի գյուղացիները գեոերկար տարիներ շարունակելու էին վճարել իրենց ազատության փրկագինը: Հեղափոխության հաղթանակից հետո միայն դադարեցվեց փրկավճարների գանձումը: Անդրկովկասում դրա վերացումը կատարվեց 1918 թ. հունվարի 1-ին Անդրկովկասյան կոմիսարիատի որոշմամբ: Թույլ էր զարգացած հողի մասնավոր սեփականությունը: Ամենախոշոր սեփականատերը էլմիածնի վանքն էր, որին հաջորդում էին ոչ մեծաքանակ մեծ ու փոքր կալվածատերերը, ապա մեյլիդները և հատուկենտ գյուղացիական տնտեսությունները: Ռուսական նորաստեղծ բուրժուական պետությունը հիմնականում պահպանում էր ցարական ժամանակների ագրարային հարաբերությունները, հողի համար պայքար մղող գյուղացիությանը խոստումներ տալով, թե հարկավոր է սպասել Սահմանադիր ժողովին: Իսկ գյուղացիությունը չէր ցանկանում սպասել:

Անդրհատկոմի Երևանի նահանգի ներկայացուցիչ Մ. Սեիդովը 1917 թ.

⁵ Տե՛ս «Հորիզոն», 1. VI. 1917, 9. VI. 1917, 5. VII. 1917:

⁶ Տե՛ս ЦГИА Грyз.ССР, ф. 1841, оп. 2, д. 3, л. 9.

⁷ Տե՛ս «Հորիզոն», 6. VII. 1917:

⁸ Տե՛ս «Борьба за победу Советской власти в Грузии. Документы и материалы», Тбилиси, 1958, с. 20—21.

Հունիսի 5-ին կոմիտեին հղած գրության մեջ հայտնում էր, որ նահանգի մի շարք գավառներից ամեն իր լուրերն են ստացվում հողային գրավումների ու կողոպուտի մասին, և որ այդ հողի վրա բնակչության մեջ տեղի են ունենում ընդհարումներ, երբեմն՝ զինված։ Նման երևույթը նա բացատրում էր տեղերում ուժեղ և վճռական իշխանության բացակայությամբ ու առաջարկում էր դիմել համապատասխան միջոցների, հակառակ դեպքում, եզրակացնում էր նա, «կարող է վրա հասնել լրիվ անիշխանությունը»⁹։ Նույն թվականի հունիսի 19-ին Երևանի նահանգի կոմիսարիատը Անդրհատկումին տեղեկացնում էր, որ իր տրամադրության տակ եղած զինվորական ուժերով չի կարողանում կանխել կալվածքների ավերումները ամբողջ գավառում, այդ թվում Մատուրովների կալվածքում, և որ այնուամենայնիվ ինքը բոլոր միջոցները կձեռնարկի այդ «ցավալի երևույթներին» վերջ տալու համար¹⁰։

Խոսելով Անդրկովկասի, մասնավորապես նրա հարավային և արևելյան նահանգների շքավոր գյուղացիությանը կազմակերպական օգնություն ցույց տալու խնդիրների մասին, կուսակցական ականավոր գործիչ Ա. Մուվյանը «Պայքար» թերթի 1917 թ. մայիսի 17-ի համարում գրել է, որ գյուղացիությունը սկսել է ստեղծել իր զուտ դասակարգային, դեմոկրատական պայքարի միություններն ու կոմիտեները, որ մի շարք վայրերում նկատվում է ագրարային շարժում, որը հետզհետե խորանում ու լայնանում է և հիմք կա ենթադրելու, որ մոտիկ ապագայում մեր գյուղերը կխոսեն «չլաված լեզվով»¹¹։

Հայաստանում հողային հարցի շուրջը բորբոքված պայքարի հիմնական ձևերն էին կալվածատիրական և վանքապատկան հողերին տիրելը, պետական հողերի գրավումը, հողահավասարեցման պահանջը, որն ուղղված էր նաև կուսակցների դեմ։

Էջմիածնի վանքին պատկանող Գյուկերիխա գյուղի 138 դեսյատին հողի վարձակալ երեք գյուղացի, որոնք կարող էին լինել միայն ունեռու-կուսակալին տնտեսատերեր, նահանգային իշխանություններին բողոքում էին, որ գյուղի հասարակությունը փետրվարյան հեղաշրջումից անմիջապես հետո, 1917 թ. մարտ ամսին, իրենց հեռացրել է և տիրել հողերին ու սպառնում է իրենց կյանքին, եթե համարձակվեն հավակնել սեփականատիրոջ իրավունքների վերականգնման վրա։ Վարձակալները բազմիցս դիմել էին նահանգային կոմիսարիատին, բայց ոչինչ չէր օգնել։ Վարձակալները հույս էին հայտնում, որ իշխանությունները կօգնեն իրենց, որը և, նրանց կարծիքով, երաշխիք կծառայեր նահանգում հանգստություն հաստատելու համար¹²։ Սակայն նրանց հույսերը չիրականացան, գյուղացիները թույլ չտվեցին հավաքել բերքը¹³։

Վեճ գոյություն ուներ Էջմիածնի վանքի և գյուղացիների միջև Էջմիածնում գտնվող այգու շուրջը։ Գյուղացիները այն համարում էին իրենցը, ուստի հեղափոխությունից հետո նրանք քանդեցին այգու պատերը և տիրեցին այն։ Երկար ժամանակ վանքը գրագրություն էր պահպանում Երևանի և Թիֆլիսի իշխանությունների հետ, խնդրելով պաշտպանել իր իրավունքները, վերականգնել տալ այգու ցանկապատը¹⁴։ Օգոստոսի 9-ին գավառային կոմիսարը Երևանի պարետ Արշավիր Շախաթունուն հեռագրով հայտնում էր, որ գյուղացիները հաստատապես պնդում են, որ այգին պատկանում է իրենց և պահանջում են վեճը փոխադրել դատարան, և որ արյունահեղությունից խուսափելու համար ինքը ժամանակավորապես դադարեցրել է ցանկապատի վերականգնման աշխատանքները ու խնդրում է հետագա ցուցումներ¹⁵։ Ընդ որում

9 ՏՆ՝ ՄԻԻ ՀՄԿԱ, ֆ. 1022, ց. 9, գ. 517, թ. 14—15։

10 ՏՆ՝ Մ ՄՍՀ ՊԿՊԱ, ֆ. 103, ց. 1, գ. 59, թ. 11։

11 ՏՆ՝ Ա. Մ ու մ լ յ ա ն, Հոգվածներ և ճառեր, Երևան, 1961, էջ 47—49։

12 ՏՆ՝ «Հոկտեմբերյան սոցիալիստական մեծ ռևոլյուցիան...», էջ 40—41։

13 ՄՍՀ ՊԿՊԱ, ֆ. 103, ց. 1, գ. 57, թ. 40։

14 ՏՆ՝ «Հոկտեմբերյան սոցիալիստական մեծ ռևոլյուցիան...», էջ 58, 62—63, 65—66։

15 ՏՆ՝ ՄԻԻ ՀՄԿԱ, ֆ. 4033, ց. 2, գ. 868, թ. 12։

Երևանի պարետը Անդրհատկումից իրավունք էր ստացել «մեղավոր անձանց բանտարկելու, ենթարկելու պատասխանատվության, վերականգնելու վանքի իրավունքները, հավասարապես նաև անհրաժեշտ միջոցների դիմելու անկարգությունները կանխելու համար»¹⁶:

Աղամուլու և Թոխանշալու գյուղերի բնակիչները գրավել և վարուցանք էին կատարում Ղոյլասարի այսորական եկեղեցու հողերում, որ նրան էր հատկացվել 1913 թ.: Եկեղեցու սպասավորները դիմել էին Երևանի նահանգային կոմիսարիատին և խնդրել եկեղեցին պաշտպանել գյուղացիների ինքնագլուխ գործողություններից: 1917 թ. սեպտեմբերի 17-ին կոմիսարիատը համապատասխան կարգադրություն էր արել Երևանի գավառային իշխանությանը¹⁷:

Իսկում փաստաթղթեր կան նաև կալվածատերեր Մատուրովների, խանաղյանների, Արամյանցի, Լուիս-Մելիքովի և ուրիշների դեմ ուղղված գյուղացիական պայքարի մասին: Մատուրովները, ըստ այն բանկի տվյալների, որ-տեղ կալվածքը գրավ էր դրված, Երևանի նահանգի Նոր Բայազետի գավառում տիրում էին 4896 դեսյատին տարբեր հողահանդակների (վարելահող, խոտհարք, արոտավայր, անտառ): 1917 թ. գարնանը Արզաքյանդի գյուղացիները հրաժարվեցին ճանաչել կալվածատիրոջ իրավունքները՝ կապալավարձի պայմանագրերը, բաժանեցին հողերը միմյանց միջև և սկսեցին վարուցանք կատարել: Հետագայում բաժանեցին նաև նրանց ցանքատարածությունները, ինչպես նաև խոտհարքները, օգտվում էին անտառի բարիքներից: Մատուրովները, նրանց կառավարիչը հեռագրերով ու դիմումներով հեղեղեցին գավառի, նահանգի ու երկրամասի իշխանությունները, խնդրելով օգնություն: Առաջին իսկ հեռագրին հաջորդեց Անդրհատկումի անդամ Պապաջանովի պատասխանը՝ հեռագրելով Երևանի նահանգային գործադիր կոմիտեին՝ դիմել միջոցների Մատուրովների Արզաքյանդ-Դալար կալվածքի անկարգություններին վերջ տալու համար¹⁸: Անհանգստանում էր նաև Անդրկովկասյան ազնվականական հողային բանկը՝ իր և իր փոխատուի շահերի դեմ գյուղացիների հանդգնության համար¹⁹: Դժգոհում էր զինվորական մասը, որը խոտհարքներ էր վարձակալել²⁰: Հուլիսի 30-ին կալվածքի կառավարիչը հայտնում էր, որ հնձել է արտը և սկսել փոխադրումը, սակայն արզաքյանդցիները, գործիքներով զինված, ուժով վռնդել են սայլապաններին և պատրաստվում են գրավել հացահատիկի խրճերը, այնուհետև ավելացնում էր, թե անխուսափելի է արյունահեղությունը և խնդրում էր իսկույն ևեթ զորք ուղարկել²¹: Մի այլ գրությամբ նա, որ արդեն փախել էր կալվածքից, ահաբեկված գրում էր, թե գյուղացիները զինված են և սպառնում են իրենց սպանել, ուստի խնդրում էր զինվորական ուժ տրամադրել, որպեսզի կարողանա վերադառնալ այնտեղ²²: Ախտայի գործադիր կոմիտեն նահանգի կոմիսարիատին հայտնում էր, թե «ամբողջ բնակչությունը զինված է և դիմադրություն է ցույց տալիս», ուստի խնդրում էր ռուղարկել ռազմական ուժ և անպայման կազակներ, այլապես անարխիան կծավալվի ամբողջ գավառում²³:

Երևանի գավառի սահմաններում գտնվող Ղորզանյանների կալվածքը գրավել և հողերը վարել էին Ողջաբերդի և Շորբուլաղի գյուղացիները²⁴: Զառ-

¹⁶ ЦГИА Гruz ССР, ф. 2081, оп. 1, д. 628, л. 30.

¹⁷ ՏԼ՝ս «Բանբեր Հայաստանի արխիվներին», 1977, № 2, էջ 7:

¹⁸ ՏԵ՝ս ՀՍՍՀ ՊԿՊԱ, ֆ. 103, ց. 1, դ. 59, թ. 1:

¹⁹ ՏԵ՝ս նույն տեղում, թ. 5 և 5 հակ.:

²⁰ ՏԵ՝ս նույն տեղում, թ. 12:

²¹ ՏԵ՝ս ՀՍՍՀ ԳԱ «Լրաբեր հասարակական գիտություններին», 1977, № 11, էջ 89:

²² «Հոկտեմբերյան սոցիալիստական մեծ ռևոլյուցիան...», էջ 72, ՀՍՍՀ ՊԿՊԱ, ֆ. 103, ց. 1, դ. 59, թ. 22:

²³ «Հոկտեմբերյան սոցիալիստական մեծ ռևոլյուցիան...», էջ 72:

²⁴ ՏԵ՝ս ՀՍՍՀ ՊԿՊԱ, ֆ. 103, ց. 1, դ. 57, թ. 20, 22:

գյուղի բնակիչները տիրել էին Մակաշևի և Մուշեղովների հողերին²⁵։ Գյուղ-քիլիսայի մոտ գտնվող Միքայել Կրիկորովի վարելահողերը և խոտհարքները, ընդհանուր տարածությամբ 225 դեսյատին, գյուղացիները գրավել էին ունեւոր վարձակալներից։ «Գյուղքիլիսեցիները,— գրել են վարձակալները մայիսի 10-ին,— բռնությամբ յուրացրել են հողերը և թույլ չեն տալիս օգտվել ցորենի և գարու մեր 50 դեսյատին ցանքերից և խոտհարքներից»։ Վարձակալները, որ երկրորդ անգամ էին դիմում Երևանի նահանգային գործադիր կոմիտեին, խնդրում էին վերականգնել իրենց իրավունքները և գյուղացիներից գանձել իրենց պատճառած վնասը²⁶։ Շարուր—Դարալագյազի գավառում գտնվող Հ. Օհանյանի «Ղզղզղաղ» կալվածքը գրավել էր հարևան Երտիչ գյուղի հասարակությունը, հեռացրել էր նրա ծառայողներին և ցանք կատարել²⁷։

Պայքարը տեղական բնույթ կրեց Միքայել Արամյանցի կալվածքում, որը Բորչալուի գավառի տարբեր վայրերում ուներ 11258 դեսյատին հող²⁸։ Արամյան, Լեյբադին և Քեսալո գյուղերի նրա վարձակալները պահանջում էին իրենց վարձապիր, որովհետև վատ բերք էին ստացել։ Գյուղացիներին օգնության եկավ Անդրհատկոմի Թիֆլիսի նահանգի Բորչալուի գավառի ներկայացուցիչ բոլշևիկ Սերգո խանոյանը, ինչպես նաև Բայդար գյուղի գործկոմի նախագահ Մամեդ Ղարաբաղլի օզլին։ Վերջինիս ուղարկած գրությամբ մեջ (1917 թ. հունիսի 8) Ս. խանոյանը հայտնում էր, որ հեռագրով թուլյատրել է ինչպես հայ, այնպես էլ մուսուլման գյուղացիներին հավաքելու իրենց բերքը, նրանց վեճին անդրադառնալով հետո²⁹։ Կալվածքի կառավարիչը հուլիսի 7-ին հեռագրով Անդրհատկոմին տեղեկացնում էր, որ գյուղական կոմիտեի նախագահի կողմից հրահրված Լեյբադիցիները «հրաժարվում են անասուններ բաժին հանել հողատիրոջ օգտին, որը սահմանված է օրենքով։ Սպասվում է անցանկալի ընդհարում»³⁰։ Այնուհետև Բորչալուի գավառային կոմիտեի հատուկ գրություն ուղարկեց Անդրհատկոմին՝ Սերգո խանոյանի և Մամեդ Ղարաբաղլի օզլու «հակաօրինական» գործունեության, գյուղացիների մեջ ագիտացիա անելու մասին։ Դրա հետևանքով, շարունակում է կոմիտեի, «այժմ ոչ միայն հնարավոր չէ համոզել գյուղացիներին, որ նրանք ժամանակավոր կառավարության կարգադրության համաձայն պարտավոր են կալվածատիրոջը վճարել վարձը և ընդհանրապես մինչև Սահմանադիր ժողովը ինքնագլուխ չլուծել ագրարային հարցը, այլև մոծել պետության տուրքերն ու հարկերը»³¹։ Դրանից հետո Թիֆլիսից հատուկ մարդ ուղարկվեց գավառ՝ պարզելու կալվածատիրոջ և գյուղացիների միջև ծագած վեճը։ Նա իր զեկուցագրում հայտնում էր, որ գյուղացիները պնդում են իրենց խոսքը, որ պետք է իրենց վարձի չափը։ «Վաղը, օգոստոսի 2-ին, — շարունակում է նա, — ես Լեյբադին եմ գործուղելու հաշտարար հանձնաժողով։ Իսկ եթե գյուղացիներն այդ ժամանակ ևս չհամաձայնվեն, ես վճռական միջոցներ եմ ձեռնարկելու, ընդհուպ մինչև պարագլուխներին օրենքով պատասխանատվության ենթարկելը»³²։

Արամյանցի կալվածքից բացի, ագրարային շարժումն ընդգրկել էր նաև Լոռու մյուս բոլոր խոշոր տնտեսությունները։ Գյուղացիները հարձակում էին կատարել ֆոն Կուլենբախի յուղի և պանրի գործարանների վրա։ Անդրհատկոմը օգոստոսի 1-ի գրությամբ իր ներկայացուցիչներ Սարգիս խանոյանից և Արդուրահիմ Հախվերդովից պահանջում էր հետաքննել այդ գործը, նշելով, որ Ալի Կաբա Կուրբանի գործողությունները, որը կոչ է անում զինված ուժով

25 Տե՛ս նույն տեղում, թ. 36։

26 Տե՛ս նույն տեղում, գ. 51, թ. 21։

27 Տե՛ս «Բանբեր Հայաստանի արխիվներ», 1977, № 2, էջ 8։

28 Տե՛ս ՀՍՍՀ ՊԿՊԱ, ֆ. 93, ց. 1, գ. 390, թ. 1։

29 Տե՛ս ИГИА Грyз.CCP, ֆ. 2081, օղ. I, Ժ. 382, և. 67։

30 Նույն տեղում, թ. 27—32։

31 ՄԼԻ ՀՄԿԱ, ֆ. 1022, ց. 2, գ. 517, թ. 4։

32 «Հոկտեմբերյան սոցիալիստական մեծ ռեվոլյուցիան...», էջ 63—64։

լուծել հողային հարցերը, անօրինական են, հեղափոխության գործի համար վտանգավոր և ենթակա են խիստ հետաքննության»։ Օգոստոսի 5-ի հեռագրով արգեն լոռու կոմիսարից էր պահանջվում ամենաեռանգուն միջոցներ ձեռնարկել շրջանի պանրի և յուղի գործարանները, դրանց արոտավայրերն ու խոտհարքները ամեն տեսակ ինքնագլուխ գործողություններից պաշտպանելու համար³⁴։

Ճոճկանի գյուղացիները հրաժարվում էին վճարել կոմս Լոռիս-Մելիքովի բահրան³⁵, և կալվածատերեր Լոռիս-Մելիքովի ու Արխաղիի կառավարիչների ու անտառապահի նկատմամբ բողոք ներկայացրին երկրամասային գյուղացիական կենտրոնին (գյուղացիական պատգամավորների Անդրկովկասյան համագումարի կողմից ընտրված գործադիր մարմին), որի կապակցությամբ կենտրոնը հանձնարարեց իր անդամ Արամայիս Երզնկյանին (սոցիալ-դեմոկրատ) տալ անհրաժեշտ բացատրություններ և մասնակցել գործի վերջնական լուծմանը³⁶։ Ռեդակտի գավառում անարխիստական ելույթները ուժեղանում են, կողոպուտներին, սպանություններին, արոտավայրերի հափշտակություններին հաշիվ չկա, — հեռագրել է կառավարիչ Վախտանգ Մեհրաբովը (հոկտեմբերի 23-ին)։ — Նույնիսկ հեղափոխության շահերը պահանջում են վճարական միջոցառումներ։ Օգտվելով անկարգություններից, հողի վարձակալները ինձ՝ կոմս Լոռիս-Մելիքովի հավատարմատարիս, չեն վճարում, դիմագրում են։ Իշխանություններն անզոր են։ Միայն Ճոճկանը 30 հազար ոտք-լու խուրձ է տարել³⁷։

Գյուղացիները գրավում և բաժանում էին նաև պետական հասութաբեր հողավածները, որոնք մեծի մասամբ վարձակալության էին տրվում ունևոր և կուլակային տնտեսություններին։ Այս դեպքում փաստորեն պայքար էր գնում մի կողմից աշխատավոր գյուղացիության, մյուս կողմից իշխանությունների ու գյուղական շահագործողների միջև։ Ռեդամալ գյուղում հողագուրկ և սակավահող գյուղացիները 1917 թ. ապրիլին բաժանեցին «Ռեդամալ գյուղի ջրաղացի հողամաս» անվանյալ պետական բահրային հողը³⁸։ Նույն ձևով վարվեցին Երևանի գավառի Կայախարաբա գյուղի բնակիչները «Կյուլմակ» կամ «Սալման օղլի» հողերի նկատմամբ³⁹։ Նորագավիթ գյուղի երկու բնակիչ զավթել էին Սոֆիա Ալեքսանովայի վարձակալած պետական հողը⁴⁰։

Կազմակերպվածության տեսակետից աչքի է ընկնում Շան-Գիրեյի (Ղզերի) և Արագցայանի կալվածքների աշխատավորների պայքարը։ Շան-Գիրեյի տնտեսությունը պատկանում էր Քսենիա Միխայլովնա Դեզովային և գտնվում էր Բաշ-Նորաշենից ոչ հեռու։ Այստեղ կազմակերպվել էր բանվորական կոմիտե, որը մշակեց և սեպտեմբերի 21-ին տիրոջը ներկայացրեց պահանջագիր, ուր մտցված էին և տնտեսական, և քաղաքական պահանջներ։ Սահմանվում էր ճ-ժամյա բանվորական օր, բացառությամբ առանձին երկարօրյա գյուղատնտեսական աշխատանքների, բարձրացվում էր աշխատավարձը, թույլատրվում էին գործադուլները, աշխատավարձի պահպանումով և այլն⁴¹։ Ինչպես երևում է, տնտեսության տերը համաձայնել էր ներկայացված պահանջներին, որովհետև 20 օր անց (հոկտեմբերի 10-ին) արդեն պահանջագիրը ստորագրվել էր (փոքր փոփոխությամբ)։ Դա փաստորեն պայմանագիր էր՝ ստորագրված Ք. Մ. Դե-

33 ՄԼԻ շՄԿԱ, ֆ. 1022, ց. 2, գ. 517, թ. 8։

34 Տե՛ս «Հոկտեմբերյան սոցիալիստական մեծ ռեվոլյուցիան...», էջ 65—66։

35 Տե՛ս նույն տեղում, էջ 62։

36 Տե՛ս ЦГИА Грyз.ССР, ֆ. 1841, օր. 2, ձ. 23, յ. 4։

37 «Հոկտեմբերյան սոցիալիստական մեծ ռեվոլյուցիան...», էջ 97։

38 Տե՛ս նույն տեղում, էջ 36։

39 Տե՛ս նույն տեղում, էջ 36—37։

40 Տե՛ս շՄՄՀ ՊԿՊԱ, ֆ. 103, ց. 1, գ. 57, թ. 16։

41 Տե՛ս «Հոկտեմբերյան սոցիալիստական մեծ ռեվոլյուցիան...», էջ 75—76։

դովալի, Շան-Գիրեյ կալվածքի բանվորական գործադիր կոմիտեի (նրա 6 անդամների) և Երևանի բանվորների ու զինվորների պատգամավորների սովետի գործադիր կոմիտեի (նրա 4 պատգամավորների) կողմից⁴²:

Մայիսի 28-ին կայացած Արազդայան-Շերեմետև բաժնետիրական ընկերության ոռոգման բաժնի 103 ծառայողների ժողովը դիմեց տեղի բնակչությանը՝ համաձայնվելու, որ ընկերության վարչությունից տնտեսական և քաղաքական զիջումներ ստանալու նպատակով կալվածքի ընդհանուր կոմիտեի կողմի մեջ իրենց կողմից առաջադրվեն 3 անդամ, 3 անդամության թեկնածու և 5 անդամ վարձակալ գյուղացիներից: Ճեթե դուք, ազատ քաղաքացիներդ,— կարդում ենք դիմումում,— համաձայն եք միավորվելու, ապա մենք կենթարկվենք ընդհանուր միացյալ կոմիտեին: Եթե բացասական պատասխան ստանանք ձեզանից, ապա կկազմակերպվենք առանձին և ձեր կոմիտեի որոշումը մեզ համար պարտադիր չի լինի»⁴³: Մենք չգիտենք, թե ինչ ելք է ունեցել այս դիմումը, սակայն հայտնի է, որ կալվածքի բանվորների և ծառայողների ընդհանուր կոմիտեն, նրա ժողովը գործել է բավական վճռականորեն, 1917 թ. նոյեմբերի 12-ին իր պահանջները ներկայացնելով ընկերության վարչությանը⁴⁴: 15 կետից բաղկացած պահանջագրում կան տնտեսական ու քաղաքական բովանդակությամբ կետեր, որոնք նման են «Շան-Գիրեյի» պահանջագիր-պայմանագրին: Այն ստորագրել է ժողովի նախագահը և դարձյալ մեզ հայտնի չէ նոսարդյունքը: Տվյալ դեպքում կարևորն այն է, որ գյուղատնտեսական տվյալ ձեռնարկության մեջ աշխատող հարյուրավոր բանվորներ ու ծառայողներ տրամադրված էին բավական մարտականորեն և գործել են հետևողական կերպով:

Երևանի նահանգային գործադիր կոմիտեն հասցեագրված օգոստոսի 24-ի գրությամբ նույն ընկերության վարչությունը հայտնում էր կալվածքի և նրա վարձակալների իրավունքները գյուղացիների կողմից խախտելու մասին և խնդրում էր օգնություն ցույց տալ: Հատկապես ակտիվ էին գործել հարևան Դավալու գյուղի գյուղացիները, որոնք վարել էին ընկերության հողերը, հնձել և փոխադրել խոտը⁴⁵: Չորս օր անց վարչությունը նույն հասցեով լրացուցիչ տեղեկացնում էր Արազդայան, Իսպահան և Մոնթենդ գյուղերի վարձակալների կողմից հացահատիկի բերքը յուրացնելու մասին⁴⁶:

Ամփոփելով 1917 թ. փետրվարյան բուրժուադեմոկրատական հեղափոխության հաղթանակից հետո Հայաստանում ժամայված ագրարային ելույթները, կարող ենք նշել, որ դրանք շատ դեպքերում կրել են տարերային, անկազմակերպ բնույթ (դրա արտահայտությունն էր նաև առանձին դեպքերում գյուղացիների կողմից կալվածատիրական, վանքապատկան ու պետական անտառների հատումը, որոնց վերաբերյալ օրինակներ չբերեցինք, սակայն դա փաստ է): Բայց կարևորն այն է, որ գյուղում բարձրացել էր հեղափոխական տրամադրությունը և նախադրյալներ էին հասունանում աշխատավոր գյուղացիությանը կազմակերպելու և կալվածատերերի ու կապիտալիստների շահերը արտահայտող ժամանակավոր կառավարության դեմ հակադրելու, որպես բանվոր դասակարգի դաշնակցի, սոցիալիստական հեղափոխության մեջ ներգրավելու համար:

Հոկտեմբերյան սոցիալիստական մեծ հեղափոխության հաղթանակից հետո Անդրկովկասում, ուր սովետական իշխանության հաղթանակը ձգձգվեց մինչև 1920—1921 թթ., ստեղծվեց քաղաքական նոր իբրդրություն: Ժամանակավոր բուրժուական կառավարության մարմին Անդրկովկասյան հատուկ

⁴² Տե՛ս ՀՍՍՀ ԳԱ «Լրաբեր հասարակական գիտությունների», 1977, № 11, էջ 89—91:

⁴³ «Հոկտեմբերյան սոցիալիստական մեծ ռևոլյուցիան...», էջ 39:

⁴⁴ Տե՛ս ՀՍՍՀ ԳԱ «Լրաբեր հասարակական գիտությունների», 1977, № 11, էջ 91—93:

⁴⁵ Տե՛ս «Великая Октябрьская социалистическая революция и победа Советской власти в Армении. Сборник документов и материалов», Ереван, 1957, с. 66—67.

⁴⁶ Տե՛ս ՀՍՍՀ ԳԱ, ֆ. 103, ց. 1, գ. 89, ք. 164:

կոմիտեին փոխարինեց Անդրկովկասյան կոմիտեի ատեր, վերջինիս՝ Անդրկովկասյան սեյմը, իսկ 1918 թ. մայիսին ստեղծվեցին Ադրբեջանի, Վրաստանի և Հայաստանի ազգային բուրժուական հանրապետությունները: Դրանք բոլորն էլ շահագործող դասակարգերի իշխանություն էին: Ազրաբային հարցի բնագավառում ևս դրանք վարում էին կալվածատերերի և կուլակների շահերից լիակատար քաղաքականություն: Այնուամենայնիվ դրանք չէին կարող հաշվի չառնել այն արմատական վերափոխումները, որ առաջ եկան Սովետական Ռուսաստանում, հողի մասին լենինյան դեկրետի ընդունման և կենսագործման շնորհիվ, ինչպես նաև երկրամասում զարգացող հեղափոխական շուրժումները:

1917 թ. դեկտեմբերի 16-ին Անդրկովկասյան կոմիտեի ատեր ընդունեց Արքունական (նախկին ուղեւային), եկեղեցական, վանքապատկան, իրավաբանական անձնավորությունների և մասնավոր կալվածատերերի հողերը հողային կոմիտեներին հանձնելու մասին կանոնադրությունը⁴⁷: Որոշ նորմայից ավելի լինելու դեպքում հիշյալ կատեգորիայի հողերը վերցվում էին նրանց տերերից և հանձնվում հողային կոմիտեներին, ստեղծելով երկրամասային հողային ֆոնդ: Այդ ֆոնդից հող էին ստանալու կարիքավոր գյուղացիները: Պահպանվում էր հողի մասնավոր սեփականությունը, պաշտպանվում էին կալվածատերերի շահերը: Դա փաստորեն հողի մոնիցիթալիզացիայի մենշևիկյան ծրագիրն էր, որն ընդունվել էր Անդրկովկասյան գյուղացիական համաժողովարում: Հողը չէր ազգայնացվում, որի դեպքում միայն կվերացվեին ազրաբային հարաբերություններում գոյություն ունեցող հին կարգերը և բազա կստեղծվեր գյուղում արտադրողական ուժերի զարգացման համար: Հողատերերին թողնվող նորմաները որոշվեցին Անդրկովկասյան սեյմի 1918 թ. մարտի 7-ի օրենքով («Օրենք հողատերերին թողնվելիք հողաբաժինների չափը որոշելու և հողային ռեֆորմը կենսագործելու միջոցառումների մասին») ⁴⁸:

Գյուղական բնակչությանն ուղղված հատուկ դիմումի մեջ Անդրկովկասի հողային կոմիտեն կոչ էր անում ամեն միջոց ձեռք առնել, որ չկատարվեն հողերը զավթելու ինքնազուլա գործողություններ, «ռուսաց հողային կոմիտեների վճռի չձեռնարկել» օգտվելու մասնատիրական և այլ հողերից, որ չեն գտնվում գյուղացիների տրամադրության տակ» և սպասել մինչև հողային կոմիտեները կկատարեն իրենց պարտականությունները⁴⁹:

Պետք է նկատել, որ հողային կոմիտեները, որոնց կազմում ընդգրկված էին ունեւոր դասերի ներկայացուցիչներ, մասնավորապես Հայաստանում խիստ դանդաղ և անբավարար էին կատարում իրենց պարտականությունները: Նույնիսկ դաշնակցականների կառավարությունը դժգոհ էր նրանց գործունեությունից և, ինչպես կտեսնենք, 1920 թ. ստեղծեց հողային նոր մարմիններ:

Իշխանությունները շտապեցնում էին հողային կոմիտեներին՝ արագացնել ռեֆորմի կենսագործումը, կանխած լինելու համար գյուղացիական շարժումը: Նախկին շարժումը շարունակվում էր: Այսպես, 1919 թ. մայիսի 27-ին դաշնակցականների կառավարության գյուղատնտեսության և պետական գույքերի գրեթե լիակատար վարչությունը ներքին գործերի մինիստրությանը հայտնում էր, թե հողագործ-սեփականատերերից լուրեր են ստացվում իրենց հողերը ռեֆորմի կենսագործմանը չսպասող գյուղական համայնքների կողմից զավթելու մասին: Կոմիտեն խնդրում էր խստորեն հետևել և թույլ չտալ ինչպես մասնատիրական, այնպես էլ պետական ու հասարակական կազմակերպությունների հողերի ինքնազուլա գրավումները⁵⁰: Մինիստրությունը բաւատասխանեց, թե հարկավոր է արագացնել հողային կոմիտեների ստեղծումը, և զգուշացնել գյուղացիներին, որ անօրինական գործողությունների համար նրանք կենթարկվեն պատասխան-

⁴⁷ Տե՛ս «Земельные законы Закавказского правительства», Тифлис, 1918, с. 14—17.

⁴⁸ Տե՛ս նույն տեղում, էջ 18—20:

⁴⁹ Տե՛ս «Մշակ», 23. I. 1918:

⁵⁰ Տե՛ս ՀՍՍՀ ՊԿՊԱ, ֆ. 201, ց. 1, գ. 515, թ. 3:

նատվության⁵¹։ Նույն թվականի վերջերին գլխավոր հողային կոմիտեն Ալեքսանդրապոլի գավառի հողային կոմիտեն գրում էր, թե քանի որ գավառում հողային հարցի շուրջը ընդհարումներ են տեղի ունենում գյուղացիների և կալվածատերերի միջև, ուստի հարկավոր է շտապեցնել կալվածների ընդունելությունը կոմիտեների կողմից⁵²։ Ներքին գործերի մինիստրությունը նույն բերի 30-ի գրությամբ զարմանք էր հայտնում հողային կոմիտեների դանդաղաշարժության համար, որը, ըստ նրա, գյուղացիներին ինքնագլուխ զավթումների առիթ էր տալիս⁵³։

1918—1920 թթ. առանձին վայրերում շարունակվում էին 1917 թ. ծավալված շարժումները, մի շարք այլ վայրերում հանդես եկան շարժման նոր օջախներ, ինչպես նաև դրսևորվեցին պայքարի այլ ուղղություններ կամ բնագավառներ (աշխատավոր գյուղացիության պայքարը հողաբաժանության կամ վերաբաժանության համար և այլն)։ Չէին դադարել գյուղացիների հարձակումները Արամյանցի կալվածքի և Լոռու մյուս տնտեսությունների վրա։ Ընդհանրապես Լոռում, որը տվյալ ժամանակաշրջանում գտնվում էր Թիֆլիսի նահանգի, ապա Վրաստանի կազմում, հեղափոխական պայքարն ավելի մեծ ուժ ուներ, քան Հայաստանի այլ շրջաններում։ Այստեղ կալվածատիրական հողատիրությունն էլ մեծ տարածում ուներ, գոյություն ունեին բոլշևիկյան ուժեղ կազմակերպություններ։ Շրջանը սերտ կապերի մեջ էր Թիֆլիսի հետ, որը Անդրկովկասի հեղափոխական շարժման կենտրոններից էր։

1918 թ. հունվարի 9-ին Հաղպատում տեղի ունեցավ բոլշևիկների ժողով, որին համակրողների հետ միասին մասնակցեց 200 մարդ։ Ընթացիկ դրության մասին զեկուցող Ա. Երիցյանը քննադատեց Անդրկովկասյան կոմիսարիատի՝ մենշևիկյան-աշխատական-դաշնակցական-բեկական բոլկի հակահեղափոխական գործունեությունը, այն նույնացնելով Կերենսկու բուրժուական կառավարության հետ։ Ժողովը որոշեց ճանաչել սովետների իշխանությունը հանձին Սովետական Ռուսաստանի Ժողկոմիսորհի, որը միայն կարող էր լուծել հողային հարցը չբավոր գյուղացիության օգտին։ Ճանուն սոցիալիստական հեղափոխության շահերի, — ասված է որոշման մեջ, — ամբողջ իշխանությունը պետք է հանձնվի սովետներին, իշխանություն, որն անխնա պայքար կմղի հակահեղափոխական տարրերի, բեկերի, աղալարների, խանգարի և կալվածատերերի դեմ⁵⁴։ Գյուղացիության հեղափոխական տրամադրությունն վրա դրական ազդեցություն ունեցան մասնավորապես 1919 թ. դեկտեմբերին և 1920 թ. ապրիլին Ուզունյարում կայացած Լոռու գյուղացիական պատգամավորների խորհրդի 1-ին և 2-րդ համագումարները, որոնց մասնակցում էին համապատասխանաբար 50 և 44 գյուղերի ներկայացուցիչներ⁵⁵։ Ճիշտ է, համագումարների փոխակցական կազմը միատարր չէր, այնուամենայնիվ բոլշևիկների (Ս. Երզնկյան և ուրիշներ) ձայնը բարձր էր հնչում։ Լոռվա աշխատավոր գյուղացիությունը, նշել է իր զեկուցումներից մեկում Ս. Երզնկյանը, ցանկանում է իրականացնել Ռուսաստանի մեծ հեղափոխության օրենքները և նվաճումները, վերացնել տիրող հողային կարգերը, կալվածատերերի արտոնությունները։ Համագումարը, շարունակում է նա, թպետք է իրականացնի Ռուսաստանի հեղափոխության օրենքը, որի համար բանվորներն ու գյուղացիները այնքան արյուն են թափել։ Հեղափոխության օրենքն է՝ հողը աշխատավոր գյուղացուն է, հողը այդ հողի վրա քրտնողինն է։

51 Տե՛ս նույն տեղում, թ. 2։

52 Տե՛ս նույն տեղում, ֆ. 203, ց. 1, գ. 753, թ. 34։

53 Տե՛ս նույն տեղում, թ. 37։

54 «Հեղափոխության սոցիալիստական մեծ ռեզոլուցիան...», էջ 159—160։

55 Տե՛ս «Արձանագրություններ Լոռվա նեյտրալ զոնայի գյուղացիական պատգամավորների խորհրդի 1», Թիֆլիս, 1921, «Արձանագրություններ Լոռվա նեյտրալ զոնայի գյուղացիական պատգամավորների խորհրդի II», Թիֆլիս, 1921։

Դեռ չէր բացվել 1918 թ. գարունը, երբ սկսվեց պայքարը Արամյանցի կալվածքի համար: Փետրվարի 12-ին կառավարիչը հայտնում էր, որ երկու օր առաջ լեջրագինները սկսել են գրավել և բաժանել կալվածքի շարժական ու անշարժ գույքը, որը պաշտպանելու համար խնդրում էր զինված ուժ⁵⁶: Հաջորդ օրը կալվածատերը գրում էր հաղպատցիների կողմից «Ախթալա-Հաղպատ» հողերին և գույքերին տիրելու ցանկության մասին, որը նա կապում էր բոլշևիկյան ագիտացիայի հետ: «Ինձ հասած ճիշտ տեղեկությունների համաձայն,— գրել է նա,— Հաղպատ գյուղի գյուղացիության մեջ, որտեղ ես ունեմ «Ախթալա-Հաղպատ» անունով կալվածք, մղվում է բոլշևիկյան պրոպագանդան: Նա Թիֆլիսի նահանգային իշխանություններին խնդրում էր դիմել արտակարգ միջոցների⁵⁷: Մարտի 15-ին Թիֆլիս ուղարկած հեռագրում կալվածքի կառավարիչը նշում էր շուկավերցի բոլշևիկ Երիցյանի և նրա տեղական ու Թիֆլիսցի ընկերների կողմից գյուղերում անպատիժ շրջելու և «կործանարար ագիտացիա» մղելու մասին: Այա, հիշելով գյուղացիների գործողությունները, նա խնդրում էր պատժիչ ջոկատ ուղարկել Լեյբադին, բանտարկել և պատժել պարագլուխներին՝ «հեղափոխական ժամանակների կանոններով»⁵⁸, Եվ վերջապես մայիսի 11-ին, երկու տարբեր, բայց նույնաբովանդակ գրություններով Անդրկովկասյան հողային կոմիտեն Թիֆլիսի նահանգային հողային կոմիտեին գրում էր՝ «Ախթալա» կալվածքը, որն ունի կուլտուրական տնտեսություններ (այգի, ֆերմա և այլն) և կարող էր պետական նշանակություն ունենալ, պաշտպանել շրջակա բնակչության ինքնագլուխ զավթումներից⁵⁹:

Նույնպիսի վճռականությամբ ու հետևողականությամբ հանդես եկան իսկա-նաղյանների դեմ Կուրթան, Վարգաբուր գյուղերի բնակիչները, որոնք նրանց «Քեթևան» կալվածքը կապալով մշակել էին երկար տարիներ: Անդրկովկասյան կոմիսարիատի և սելմի որոշումներից հետո գյուղացիներն այլևս չէին ցանկանում ընդունել կալվածատերերի իրավունքները, բաժանել էին նրանց վարելահողերը, անվճար օգտագործում էին արոտավայրերը և օգտվում անտառներից: Իշխանությունները ստիպված էին հաշտվել ստեղծված վիճակի հետ և ճանաչել գյուղացիների ժամանակավոր իրավունքը վարելահողերի նկատմամբ՝ մինչև դրանց ընդունումը կձևակերպվեր հողային կոմիտեների կողմից, այսինքն կմտցվեին պետական հողային ֆոնդի մեջ: Պայքարը դրանով, իհարկե, չդադարեց: Գյուղացիները գրավեցին նաև ջրաղացը և կալվածքի այլ մասեր, որ մնացել էին իսկաղյաններին սելմի օրենքի համաձայն⁶⁰:

Նոր հարձակումներ կատարվեցին ֆոն Կուլենբախի և ֆոն Գոտլիբի գյուղատնտեսական ձեռնարկությունների վրա: Երկրամասային հողային կոմիտեի 1918 թ. մարտի 15-ի զեկուլցում, թերևս չափազանցված, այսպես է ներկայացվում պատկերը. «Ավերվել են համարյա բոլոր պանրամշակման գործարանները, հափշտակվել և գործարանների գույքը, քշվել— տարվել են ցեղական և տեղական անասունները, խոտը մասամբ հրկիզվել է, մասամբ յուրացվել»⁶¹: 1919 թ. Նոյեմբերի գյուղացիները տիրել էին փոխգնդապետ Բաթբուր-Մելիքովին և նրա քույրերին պատկանող «Խոջիկ» կալվածքին, այնտեղ ցանք էին կատարել, հնձել խոտը⁶²: 1920 թ. սեպտեմբերի 13-ին Լոռու շրջանի ան-

⁵⁶ Տե՛ս «Բանբեր Հայաստանի արխիվների», 1977, № 2, էջ 10:

⁵⁷ Տե՛ս ՀՍՍՀ ԳԱ «Լրաբեր հասարակական գիտությունների», 1977, № 11, էջ 93:

⁵⁸ Տե՛ս «Великая Октябрьская социалистическая революция...», с. 190—191.

⁵⁹ Տե՛ս ЦГИА Гр. ССР, ф. 1913, оп. 1, д. 11, л. 1, 3.

⁶⁰ Տե՛ս «Առաջին մասսայական-հեղափոխական շարժումները Հայաստանում (Մայիսյան ապստամբությունը)։ Նյութեր և փաստաթղթեր», Երևան, 1932, էջ 93, 96: «Բանբեր Հայաստանի արխիվների», 1967, № 2, էջ 11—12, ՀՍՍՀ ՊԿՊԱ, ֆ. 201, ց. 1, գ. 21, ք. 8, գ. 515, ք. 5:

⁶¹ «Հոկտեմբերյան սոցիալիստական մեծ ռևոլյուցիան...», էջ 196—197:

⁶² Տե՛ս ՀՍՍՀ ՊԿՊԱ, ֆ. 203, ց. 1, գ. 753, ք. 35:

տառապետը գյուղատնտեսության և պետական գույքերի նախարարությանը հայտնում էր, որ Մարց, Լորուտ, Շամուտ և Աթան գյուղերի գյուղացիները սեփականացրել են Մարցի ամբողջ կալվածքը՝ նրա ինչպես կալվածատիրական (թավադական), այնպես էլ վանքապատկան մասերը և արդեն երկու տարի է ոչ մի տուրք չեն վճարում⁶³:

1919 թ. գարնանը Պողոսբերկիսա գյուղի բնակիչները գրավել էին Դիլիջանում գտնվող Իլյա Ճավճավաձեի կալվածքը, որն ուներ վարելահողեր, այգի և պետությունից վարձակալած անտառներ, 232 դեսյատին տարածությամբ: Նրանք ցանք էին կատարել, արածացնում էին իրենց անասունները, անարգել օգտվում կալվածքի ճանապարհներից և Աղստաֆա գետի կամուրջից⁶⁴: 1920 թ. Երևանի գավառի Ավդալար գյուղի բնակիչները գրավել և բաժանել էին Աննա Ղորղանյանի հողերը (60 դեսյատին)⁶⁵: Էլարի գյուղացիները սեփականացրել էին Մադաթյանների «Եղուն-արխ» կալվածքը (Աղամալ Մելիք-Աղամալյանի նախկին կալվածքի մասը)⁶⁶: Բաշ-Գյառնի և Գողթ գյուղերի գյուղացիները, ինչպես գրել է Գեղարդի վանքի վանահայրը, «ըմբոստացած սկսել են վանքի պատկանյալ հողերը տիրապետել և բաժանել իրենց մեջ նախարների վրա»: Այդ հողերը աճուրդով վարձակալել էին մի քանի ունեոր-կուլակային տնտեսություններ⁶⁷:

1919 թ. գյուղացիները յուրացրել էին Կարակալայի պետական (նախկին ուղեկային) կալվածքի ունեցվածքը, Եգոր Բեժանյանի (Լոռու Սադիրազդի գյուղից) վարձակալած պետական ամառանոցավայրը Քուլագիրան երկաթուղային կայարանի մոտ⁶⁸: 1920 թ. Ալեքսանդրապոլի գավառի 4-րդ շրջանում Քյալալի գյուղի հողազուրկները խլել էին կապալառու Արտաշես Գասպարյանի հողերը⁶⁹: «Ինձ հասած տեղեկություններից երևում է, — ասված է նույն գավառի 5-րդ շրջանի պետական գույքերի կառավարչի կողմից իր Ղարաբերկիսա գյուղի կոմիսարին ուղղված գրության մեջ, — որ «Ջելաբ-Քեչուկ» կոչված պետական հողաբաժինը առանց արենգով վերցնելու ինչ-որ գյուղացիք վարում են»⁷⁰: Ղալուկի-Ղազանչիի գյուղացիները տիրել էին «Ֆինտո» հողամասին: 4-րդ շրջանում գյուղացիները գրավել էին կապալով տրված «Ղզըլ-Քիլիսա» պետական հաստթաբեր հողվածք: Թափանլի, Արչուտ և Դարբաս գյուղերի բնակիչները, որ վարձակալել էին «Չուլաբար» կոչվող յայլաղները, հրաժարվում էին մուծել կապալավարձը⁷¹ և այլն:

Վերը նշվեց այն մասին, որ կալվածատիրական, այժմ ավելացնենք, նաև պետական հողերի կապալառուների մեջ քիչ չէին ունեոր-կուլակային տնտեսությունները, որոնք իրենց հերթին զբաղվում էին նաև ենթավարձակալությամբ, ավելի սաստկացնելով չքավոր գյուղացիության շահագործումը: Այժմ բերենք մի քանի նոր տվյալներ դասակարգային պայքարի մասին:

Թաղաքենդ գյուղում կուլակներ Մկրտիչ Հովհաննիսյանը և Ստեփան Մելքոնյանը հասարակական հողերից զավթել էին 30 խավար տարածությամբ վարելահող, որտեղ ցանք էին կատարում մշտական վարձու բատրակների միջոցով: Փետրվարյան հեղափոխությունից հետո գյուղացիները որոշեցին տիրել իրենց նախկին հողերին, սակայն հանդիպեցին կուլակների դիմադրությանը: Գյուղացիները ստիպված հրդեհեցին հողերում կառուցված տները՝ հողամշակներին այնտեղից հեռացնելու համար: Այնուհետև տեղի ունեցավ ընդհարում

⁶³ Տե՛ս նույն տեղում, գ. 672, Բ. 85—85 հալ.:

⁶⁴ Տե՛ս նույն տեղում, ֆ. 203, ց. 1, գ. 694, Բ. 21—21 հալ., 23 և գ. 701, Բ. 25—26:

⁶⁵ Տե՛ս նույն տեղում, ֆ. 199, ց. 1, գ. 132, Բ. 230:

⁶⁶ Տե՛ս նույն տեղում, ֆ. 72, ց. 1, գ. 30, Բ. 1—2:

⁶⁷ Նույն տեղում, ֆ. 56, ց. 6, գ. 1199, Բ. 1:

⁶⁸ Տե՛ս նույն տեղում, ֆ. 203, ց. 1, գ. 170, Բ. 3 և գ. 605, Բ. 193—193 հալ.:

⁶⁹ Տե՛ս «Առաջին մասնալական-հեղափոխական շարժումները...», էջ 100:

⁷⁰ Նույն տեղում:

⁷¹ Տե՛ս նույն տեղում, էջ 100—101:

երկու կողմերի միջև, ընդ որում կուլակները օգտագործեցին նաև զենք, որի հետևանքով զոհվեցին հաշատուր Եղիգարյանը և կուլակ Մկրտիչ Հովհաննիսյանը⁷²:

Դաշնակցականների տիրապետության տարիներին աշխատավոր գյուղացիության վիճակն էլ ավելի ծանրացավ: Հողը ավելի ու ավելի էր կենտրոնանում կուլակների և ունեւորների ձեռքում: Սովից փրկություն որոնողները ամենաշնչին գներով ծախում էին ցանքը, հողը և այգին կամ դեռևս դրանց չհասունացած բերքը: Այսպիսի պայմաններում ուժեղացավ գյուղացիության պայքարը հողի ներքին վերաբաժանության, ինչպես նաև միջգյուղային վեճերի լուծման համար: Դաշնակցականների կառավարությունն ընդհանրապես չէր շտապում լուծել հողային հարցը՝ իրականացնել Անդրկովկասյան կոմիսարիատի և սելմի ընդունած ռեֆորմը: Կառավարությունն այն կապում էր պետության սահմանների հարցի հետ: Հողաբաժանության հարցում ևս, որը հողային հարցի մասն էր կազմում, նա ուներ նույն վերաբերմունքը: Այնուամենայնիվ գյուղում ծավալված պայքարը և դժգոհությունները մեղմելու համար նա երբեմն ստիպված էր ընդառնալ գյուղացիության պահանջներին: Սակայն դժգոհությունները չէին վերանում, որովհետև հողաբաժանությունից ևս շահում էին զուրբաները: Այլ կերպ չէր էլ կարող լինել. շահագործողների պետությունը պետք է պաշտպաներ շահագործողների շահերը:

Էջմիածնի գավառի Աղավնատուն գյուղի ներկայացուցիչները դաշնակցականների կուսակցության շրջանային կոմիտեին գրում էին, որ գյուղի հողերի մեկ երրորդը գտնվում է մի քանի վաշխառուների ձեռքում և խնդրում էին միջնորդել կառավարության առաջ՝ կատարելու հողաբաժանություն⁷³: Մեկ ամիս անց հետևում է գյուղի երկրորդ դիմումը, ուր ասված է. «Ամբողջ գյուղի հողերը 7—8 մարդու ձեռքում են: Մի՞թե ցարի օրենքն է: Խնդրում ենք օրինավոր, ճանապարհով և արդարադատությամբ կարգադրեք վերջ տալու այդ ցավոտ (հողային) հարցին, որը կարող է պատճառ դառնալ շատ սպանությունների⁷⁴: Հողաբաժանության սուր պահանջի մասին է արձանագրել Նոր Բայազետի և Դարալագյազի գավառներ մեկնած պառլամենտական հանձնաժողովը: Նոր Բայազետի գավառի ամենացավոտ հարցերից է հողային հարցը, նշել է հանձնաժողովը: Այստեղ հողը կենտրոնացել էր մի քանի հարուստների ձեռքում, որոնք արգելակում էին կատարելու նոր վերաբաժանություն (վերջինը եղել էր 1890-ական թվականներին): «Հողաբաժանության և հողային խնդրի շուրջը Նոր Բայազետի գավառում, — ասված է զեկուցագրում, — տեղի են ունեցել ահագին կռիվներ ու խռովություններ»: Սեանի և Դարալագյազի շրջաններում երկրագործության և պետական գույքերի նախարարության կատարած ստուգումները պարզել էին հողաբաժանության ժամանակ թույլ տրված բազմաթիվ զեղծաբարություններ ու շարաշահումներ և, իհարկե, երկրաչափի կաշառակերության փաստը: Հողային խնդիրը ավելի էր խճճվել: Սակավահողության մեջ տառապող Ցամաքաբերդի, Գոմաձորի, Օրդաքլուի, Մաքրավանքի, Ալափարսի, Ռենուամալի, Վերին և Ներքին Քաղսիների գրությունը ոչնչով չէր փոխվել, ընդհակառակը, ավելի էր վատացել, արձանագրել է հանձնաժողովը 1920 թ. հունիսի 26-ին նախարարությանը ներկայացրած զեկուցագրում⁷⁵:

Հողային հարցը սուր էր հատկապես էջմիածնի գավառում, ուր բացի տեղական հողազուրկ ու սակավահող գյուղացիներից, կուտակվել էին մեծաթիվ արևմտահայ գաղթականներ: Գավառի համայնական (զեմսավային) վարչությունը 1920 թ. ապրիլի 24-ին ներքին գործերի նախարարին գրել է. «Այժմ շատ ուժեղ և սուր բնավորություն է ստացել ժողովրդի մեջ հողաբաժանության խնդիրը... Ամեն օր Վաղարշապատ են թափվում հարյուրավոր գյուղացիներ,

⁷² Տե՛ս ՆՍՍՀ ՊԿՊԱ, ֆ. 103, ց. 1, գ. 30, թ. 1—3, 29—31:

⁷³ Տե՛ս նույն տեղում, ֆ. 214, ց. 1, գ. 5, թ. 50:

⁷⁴ «Բանբեր Հայաստանի արխիվներ», 1970, № 2, էջ 73:

⁷⁵ Տե՛ս նույն տեղում, ֆ. 203, ց. 1, գ. 122, թ. 126—132:

որոնք ասում են. «Հողային հարցը մենք դժվարանում ենք որոշել, եկեք տեղնուտեղը տեսեք, քննեք ու որոշեք, թե չէ մենք ստիպված պիտի լինենք «մեր հղանակով»՝ հեղափոխական ճանապարհով վճռելու այդ հարցը»⁷⁶:

1920 թ. մայիսյան հերոսական ապստամբությունը ցույց տվեց, որ գյուղացիությունն իսկապես տրամադրված է հեղափոխականորեն և մասնակցում է բուրժուական կարգերի տապալման, սովետական իշխանության հաստատման համար պայքարին: 1920 թ. մայիսի 26-ին քննարկելով «ներքին վերջին դեպքերի պատճառների ուսումնասիրության և լուսաբանության մասին» հարցը, նախարարների խորհուրդը գյուղատնտեսության և պետական գույքերի նախարար Ս. Վրացյանին հանձնարարեց ներկայացնել արտակարգ քննիչ հանձնաժողովի կանոնադրություն⁷⁷: Հաջորդ օրվա նիստում քննարկվեց կանոնադրության մասին զեկուցումը⁷⁸, իսկ մայիսի 31-ին Ս. Վրացյանը ստորագրեց հողային հատուկ մարմինների մասին օրինագծի բացատրագիրը: Հողային հարցը, գրել է Ս. Վրացյանը, ունի ոչ միայն տնտեսական, այլև քաղաքական խոշոր նշանակություն: Մայիսյան շարժումները ցույց տվեցին, որ «գյուղացիությունը հեշտությամբ պրովակացիայի ենթարկվեց գլխավորապես հողային խնդրի պատճառով»: Հողային հարցի վերջնական լուծումը վերապահելով ապագային, Ս. Վրացյանը գտնում էր, որ անմիջապես հարկավոր է լուծել երկու անհետաձգելի հարց՝ պետականացնել բոլոր հողերը և պետական ֆոնդի հաշվին բավարարել սակավահող գյուղացիությանը: Քանի որ հողային կոմիտեները անընդունակ գտնվեցին արագորեն կարգավորելու հարցը, նա առաջարկում էր դրանք փոխարինել հողային հատուկ մարմիններով⁷⁹: Հունիսի 4-ին նախարարների խորհուրդը հաստատեց հողային հատուկ մարմինների մասին օրինագիծը, որոնց վրա դրվեց սեղմ ժամկետ (մինչև հոկտեմբերի 1-ը) իրենց խնդիրը կատարելու համար⁸⁰: Դրանով դաշնակցականների կառավարությունը գործնական խնդիր էր դարձնում իր կուսակցական ծրագրի կատարումը (էսէռական սոցիալիզացիա): Նախատեսված ժամկետում կառավարությունը զբաղված էր ոչ այնքան հողային ռեֆորմի կենսագործումով, որքան Մայիսյան ապստամբության ղեկավարների ու մասնակիցների հետ հաշվեհարդար տեսնելով: Ըստ էության Հայաստանի բուրժուական պետությունը, որի գլուխ կանգնած էր իրեն սոցիալիստական հորջորջող կուսակցությունը, չկատարեց նույնիսկ բուրժուական հեղափոխության խնդիրները: Ժամանակավոր բուրժուական կառավարության նման դաշնակցների իշխանությունը հողային հարցը չլուծեց և այն լուծեց սոցիալիստական հեղափոխությունը՝ Հայաստանի սովետական իշխանությունը, որի հաղթանակի համար բանվորների հետ միասին կոմունիստական կուսակցության ղեկավարությամբ պայքարել էր նաև աշխատավոր գյուղացիությունը:

БОРЬБА КРЕСТЬЯНСТВА АРМЕНИИ ЗА ЗЕМЛЮ В 1917—1920 гг.

ВЛАДИМИР КАЗАХЕЦЯН

Резюме

Накануне Великой Октябрьской социалистической революции, а также после ее победы трудовое крестьянство Армении развернуло борьбу за ликвидацию помещичьего землевладения и кулацкого многоземелья, за передел земли. Несмотря на ограниченное распространение крупного землевладения, тем не менее почти все помещичьи хозяйства

⁷⁶ «Թանրեր Հայաստանի արխիվներին», 1967, № 2, էջ 16:

⁷⁷ Տե՛ս ՀՍՍՀ ՊԿՊԱ, ֆ. 206, ց. 1, գ. 112, թ. 97:

⁷⁸ Տե՛ս նույն տեղում, թ. 99:

⁷⁹ Տե՛ս նույն տեղում, ֆ. 199, ց. 1, գ. 140, թ. 75:

⁸⁰ Տե՛ս նույն տեղում, թ. 71:

и государственные доходные статьи (Арзакянд—Даллар, Кетеван, Ахтала—Ахпат, Каракала, Шангирей, Араздаян, сыроваренные заводы и т. д.) захватывались крестьянами. Борьба в большинстве случаев носила стихийный, неорганизованный характер. Сравнительно организовано она шла в Лорийском уезде. Ни буржуазное Временное правительство, ни Закавказский комиссариат и сейм, ни правительство дашнаков, защищая интересы имущих классов, не решили земельного вопроса. Этот вопрос, касающийся буржуазной революции, был разрешен только Советской властью, за победу которой боролись и трудящиеся массы армянского села. Борьба за землю стала составной частью борьбы за новую, народную власть в 1917—1920 гг.